

Sier Marco Tiepolo, fo provedador a le biave, <i>quondam</i> sier Andrea,	46
Sier Piero Trivixan, è di pregadi, <i>quondam</i> sier Silvestro,	25
Sier Sabastian Zustignam, el cavalier, fo po- destà e capetanio in Cao d' Istria,	59
Sier Alvixe di Garzoni, fo patron a l' arsenal, <i>quondam</i> sier Marin, procurator,	56
Sier Domenego Dolfim, fo capetanio al colfo, <i>quondam</i> sier Dolfim,	49
Sier Nicolò da cha' da Pexaro, fo consier in Cypri, <i>quondam</i> sier Bernardo,	46
103 † Sier Marco Zorzi, fo cao dil conseio di X, <i>quondam</i> sier Bertuzi,	96
Sier Zuan Diedo, fo provedador zeneral in Dalmatia, <i>quondam</i> sier Alvise,	38
Sier Zuan Trivixan, è provedador sora i ofi- cij, <i>quondam</i> sier Zacharia, dotor, cava- lier,	73
Sier Piero di Prioli, fo provedador al sal, <i>quondam</i> sier Beneto,	45
Sier Tadio Contarini, fo di pregadi, <i>quondam</i> sier Andrea, procurator,	44
Sier Domenego Malipiero, el savio a terra ferma, <i>quondam</i> sier Francesco,	79
Sier Alvixe Zorzi, l'avogador di comun, <i>quon- dam</i> sier Polo,	45
Sier Hironimo Contarini, fo provedador in armada, <i>quondam</i> sier Francesco,	48
Sier Zuan Bragadim, fo podestà a Vicenza, <i>quondam</i> sier Hironimo,	41
Sier Hironimo Querini, el savio di terra fer- ma, <i>quondam</i> sier Andrea,	64
Sier Marin Zustignam, el savio a terra ferma, <i>quondam</i> sier Pangrati,	55

A dì 7 septembrio. Fo gran conseio. Fu fato capetanio a Verona, sier Stefano Contarini, el consier; et 3 dil conseio di X, tra i qual sier Marco Zorzi, nominato di sopra.

A dì 8, fo el zorno di la Nostra Dona. Fo il perdom a Santa Maria Mazor; et *accidit* cossa che dete molto che dir a la terra. La matina, reduto il colegio, poi che 'l principe fo a messa in chiesa, si ave letere, di Rimano et Faenza, di le zente pontificie, capo el signor Zuane di Gonzaga, fradello dil marchexe di Mantoa, et Alvixe Becheto, erano alozate in quelli castelli vicino a Rimano; et il ducha de Urbin havia ordinato per tutto il Monte Feltro zente *etc.*; si che dubitano assai non si fazi arsalto in Rimano, perchè il papa, non ha bon cuor verso la

Signoria nostra, à reabuto li castelli, et venendoli qualche occasion, *fortasse* faria trato; altri tien voi meter il prefeto in Fan et Cesena *etc.* *Item*, che 'l campo di fiorentini andavano a Pisa. Et per li savij fo terminato, *licet* ozi sia il zorno di Nostra Dona, e non solito farsi pregadi, di chiamar el conseio di pregadi, per proveder a le cosse di Romagna.

Et fu posto parte, per il resto di savij, *excepto* sier Lunardo Grimani, et sier Hironimo Querini, tre provisione: far cavalehar il conte di Pitiano, capitano zeneral nostro, ch'è a Gedi im brexana, con quelle zente e cavali lizieri il puol, a Ravenna; *item*, far 1000 provisionati; et scriver al vice capetanio dil colfo, ch'è a la custodia di Alexio, si transferissa con do galie verso Rimano. Et è da saper, il colegio havea libertà di proveder, et za era stà mandà zente con capi venetiani, boni marinari, qualli sarano notadi qui avanti, in le roche di Rimano et Faenza, et scritto a sier Hironimo Barbaro, capetanio di le barche armade, stagi a Rimano. Or fu grande disputa-
103 *
tatione in questa materia. Parlò sier Marco Antonio Morexini, el cavalier, procurator, sier Marin Zustignam, sier Hironimo Querini, sier Andrea Loredan, savij a terra ferma, sier Bachalario Zen, el cavalier, sier Zorzi Emo, sier Nicolò Foscarini, el consier, et sier Pollo Barbo, procurator. Or *tandem* fu preso, *solum* di far mille provisionati, soto li capi parerà al colegio. Et cussi fo fati Andrea Vassallo, capetanio di signor di note, zoè di Rialto, et altri, *tamen* il zorno da poi fo suspesi.

Fo letere di Alexandria, et dil Chajaro, di 18 zugno, di sier Fantin Contarini, vice consolo. O da conto, che desiderava la venuta di l'ambasador, o ver secretario; e si conzerà le cosse.

A dì 9. Fo conseio di X, con zonta. Et la matina, *iterum* li consieri incantono le do galie, poste al viazo di la Romania bassa, et non trovano patron.

A dì 10. Fo conseio di X, con zonta. Si ave nova, come Camali, sora Cicilia, havea preso 3 nave di formenti, una ragusea et do ciciliane. *Item*, li a torno erano certe nave di zenoesi, qual andavano a la preda. *Item*, fo letere di Roma, di la morte dil cardinal curzense, a Viterbo, come dirò di soto; et che si meteno repentagij per fiorentini, che Pisa sarà di fiorentini fra termine uno mexe; et che zenoesi tochano, et si mete 30 per 100.

A dì 11. In questo zorno, in quarantia civil, fo expedita la sententia, introduta eri, fata per sier Marin Morexini, è ai 3 savij, *quondam* sier Pollo, contra sier Lunardo Grimani, e sier Antonio Loredan, el cavalier, come inquisitori di le cosse dil doxe Bar-